



Služba za reviziju finansijskog poslovanja

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2007. GODINU BOSANSKOHERCEGOVAČKE PATRIOTSKE STRANKE – SEFER HALILOVIĆ

Broj: 03-07-6-3402/08
Sarajevo, 19. marta 2009. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije	5
Obim revizije	5
4. PRETHODNE REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskog izvještaja Bosanskohercegovačke patriotske stranke – Sefer Halilović za 2007. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Bosanskohercegovačka patriotska stranka – Sefer Halilović u izvještajnom periodu nije postupila u skladu sa odredbama člana 8. stav (1) i člana 11. stav (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Bosanskohercegovačka patriotska stranka – Sefer Halilović u 2007. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH je izvršila reviziju godišnjeg finansijskog izvještaja Bosanskohercegovačke patriotske stranke – Sefer Halilović za 2007. godinu.

Revizija je preduzeta u skladu sa članom 14. stav (1) Zakona o finansiranju političkih stranaka («Službeni glasnik BiH» broj 22/00), članom 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka patriotska stranka – Sefer Halilović je iskazala ukupne prihode u iznosu od 489.331,54 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u uk.prih. %
1	Članarina	295,40	0,06%
2	Prilozi fizičkih lica	235,00	0,05%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	488.180,35	99,76%
	Ostali prihodi	620,79	0,13%
	Ukupni prihodi:	489.331,54	100,00%

U godišnjem finansijskom izvještaju stranka je iskazala ukupne rashode u iznosu od 189.898,31 KM.

2. PREDSTAVLJANJE POLITIČKE STRANKE

Naziv političke stranke: Bosanskohercegovačka patriotska stranka – Sefer Halilović. Skraćeni naziv stranke je BPS-SH.

BPS-SH je registrovana 28.06.2006. godine u Kantonalnom sudu u Sarajevu pod rednim brojem 065-0-Reg-06-001437.

Sjedište političke stranke je u Sarajevu, ulica Husrefa Redžića br. 4.

Lice ovlašteno za zastupanje stranke je Sefer Halilović, predsjednik.

Lice ovlašteno za podnošenje finansijskih izvještaja za 2007. godinu je Nalvedina Dedagić-Čengić.

Prema podacima iz godišnjeg finansijskog izvještaja za 2007. godinu, organizacionu strukturu Bosanskohercegovačke patriotske stranke – Sefer Halilović čine:

- Centrala BPS-SH Sarajevo,
- 7 regionalnih odbora, i
- 68 opštinskih odbora.

3. OPIS REVIZIJE

Predmet revizije je godišnji finansijski izvještaj Bosanskohercegovačke patriotske stranke – Sefer Halilović za 2007. godinu i to sljedećih organizacionih dijelova:

- Centrala BPS-SH Sarajevo,
- Opštinski odbor BPS-SH Ilidža, i
- Opštinski odbor BPS-SH Novi Travnik.

Cilj revizije je da revizoru omogući da izrazi mišljenje o tome da li je Bosanskohercegovačka patriotska stranka – Sefer Halilović u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja BPS-SH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta i priloge fizičkih lica.

4. PRETHODNE REVIZIJE

Izvršen je pregled godišnjeg finansijskog izvještaja Bosanskohercegovačke patriotske stranke – Sefer Halilović za 2005. godinu i izdat izvještaj o pregledu sa mišljenjem revizora, nalazima i preporukama revizije. Služba za reviziju je, takođe, izvršila pregled godišnjeg finansijskog izvještaja za 2006. godinu i izdala izvještaj o pregledu sa mišljenjem revizora, nalazima i preporukama da stranka treba da postupa u skladu sa odredbama člana 8. stav (1) Zakona o finansiranju političkih stranaka. Izvještaj o pregledu godišnjeg finansijskog izvještaja za 2006. godinu je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2007. godinu.

Nerealizovane preporuke

Na osnovu uočenih nedostataka u godišnjem finansijskom izvještaju za 2007. godinu, utvrđeno je da politička stranka nije ispoštovala sve preporuke koje su date u navedenim izvještajima. Stranka je i u 2007. godini koristila prostorije opštinskih organa uprave što je u suprotnosti sa odredbom člana 8. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

a) Bosanskohercegovačka stranka prava – Sefer Halilović nije postupila u skladu sa odredbama člana 8. stav (1) Zakona o finansiranju političkih stranaka.¹

Bosanskohercegovačka stranka prava – Sefer Halilović je od Javne ustanove „Služba za zapošljavanje BPK Goražde“ primila sredstva u iznosu 6.600,00 KM, a na osnovu ugovora o sufinansiranju zapošljavanja osoba sa invaliditetom, što je suprotno odredbama ovog člana.

Opštinski odbor BPS-SH Ilidža je tokom 2007. godine bez naknade koristio prostorije Opštine Ilidža. Takođe, shodno Odluci Opštinskog vijeća Ilidža², stranka nije imala obavezu da plaća električnu energiju, vodu, centralno grijanje, niti naknadu za odvoz smeća i redovno održavanje

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

² Odluka o dodjeli na korištenje bez naknade poslovnih prostorija Općine Ilidža br. 01-02-308/07-6 od 22.02.2007. godine.

zajedničkih prostorija. Koristeći bez naknade prostorije opštinskih organa uprave i neplaćanjem režijskih troškova, stranka je postupila suprotno odredbi člana 8. stav (1) Zakona o finansiranju političkih stranaka.

b) Stranka je prekršila odredbu člana 11. stav (3) Zakona o finansiranju političkih stranaka.³

Bosanskohercegovačka patriotska stranka – Sefer Halilović je prekršila odredbu člana 11. stav (3) Zakona o finansiranju političkih stranaka jer obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka.

- Na obrascu ukupnih prihoda Bosanskohercegovačka patriotska stranka – Sefer Halilović je iskazala prihode od članarine u iznosu od 295,40 KM. Uvidom u dokumentaciju, utvrđeno je da je stranka iskazala prihode od članarine u manjem iznosu od ostvarenih za 120,00 KM. Naime, OO BPS-SH Goražde je tokom 2007. godine prikupio članarinu u iznosu od 158,00 KM, dok je u finansijskom izvještaju iskazan iznos od 38,00 KM.
- Bosanskohercegovačka patriotska stranka – Sefer Halilović nije ispoštovala odredbu člana 7. stav (2) Pravilnika o godišnjim finansijskim izvještajima političkih stranaka po kojoj politička stranka za niže organizacione dijelove stranke iskazuje troškove na obrascima troškova 4-1 i 4-2 i to posebno za svaki organizacioni dio, dok se obrazac ukupnih rashoda dostavlja na nivou političke stranke (obrazac 4). Troškovi nižih organizacionih dijelova Bosanskohercegovačke patriotske stranke – Sefer Halilović su iskazani u zbirnim iznosima na obrascima 4-1 i 4-2, koji su popunjeni za političku stranku u cjelini.
- Uvidom u poslovne knjige i ugovore o zakupu poslovnih prostorija koje koriste odbori Bosanskohercegovačke patriotske stranke – Sefer Halilović, utvrđeno je da troškovi zakupnine nisu pravilno iskazani u finansijskom izvještaju za 2007. godinu. Stranka je u godišnjem finansijskom izvještaju troškove zakupnine za poslovne prostorije koje je koristio KO BPS-SH HNK Mostar iskazala u većem iznosu za 2.700,00 KM. Takođe, troškovi zakupnine za prostorije koje je koristio OO BPS-SH Centar su iskazani u većem iznosu za 2.527,20 KM. Naime, Općina Centar je dana 13.09.2007. godine izdala avansni račun u iznosu od 3.369,60 KM na ime zakupnine poslovnih prostorija za period od 01.10.2007. godine do 30.09.2008. godine. Stranka je u godišnjem finansijskom izvještaju za 2007. godinu trebala iskazati troškove za period od 01.10.-31.12.2007. godine, tj. iznos od 842,40 KM, a ne kao što je iskazano 3.369,60 KM. Osim navedenog, stranka je troškove zakupnine za poslovne prostorije OO BPS-SH Stari grad iskazala za 380,00 KM manje u odnosu na ostvarene.
- Bosanskohercegovačka patriotska stranka – Sefer Halilović je učestvovala na Prijevremenim izborima za Načelnika Općine Novo Sarajevo. Stranka nije iskazala troškove predizborne kampanje na obrascu 4-2 (troškovi propagande) godišnjeg finansijskog izvještaja, već na obrascu 4-1 (režijsko-administrativni i ostali troškovi). Utvrđeno je da je u svrhu lijepljenja plakata, radio-reklama, izrade plakata i dnevnica za info stolove putem interne blagajne isplaćeno 3.365,00 KM.
- Na obrascu 5 godišnjeg finansijskog izvještaja Bosanskohercegovačka patriotska stranka-Sefer Halilović nije iskazala obaveze prema dobavljačima, obaveze za plate i poreze i doprinose na plate. Prema podacima iz poslovnih knjiga obaveze stranke na dan 31.12.2007. godine su iznosile 10.913,77 KM.

³ Politička stranka je obavezna da Centralnoj izbornoj komisiji BiH podnosi finansijske izvještaje na obrascima koje je odobrila Centralna izborna komisija BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

Troškovi predizborne kampanje

Bosanskohercegovačka patriotska stranka-Sefer Halilović je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 3.365,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Bosanskohercegovačka patriotska stranka - Sefer Halilović je u svrhu izborne kampanje za Prijevremene izbore za Načelnika Općine Novo Sarajevo mogla da potroši 18.897,30 KM.

5.2. PREPORUKE

Preporučuje se Bosanskohercegovačkoj patriotskoj stranci - Sefer Halilović da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 8. stav (1) i člana 11. stav (3) Zakona o finansiranju političkih stranaka i to:*
 - *da prima priloge koji nisu zakonom zabranjeni, i*
 - *da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

- *da definiše postupke i procedure internih kontrola vezanih za proces trošenja finansijskih sredstava stranke⁵; i*

- *da ustroji upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma⁶.*

KOMENTAR

U ostavljenom roku, Bosanskohercegovačka patriotska stranka – Sefer Halilović se nije očitovala na Preliminarni izvještaj o reviziji godišnjeg finansijskog izvještaja za 2007. godinu.

Zahvaljujemo se ovlaštenoj osobi za finansijske izvještaje i zaposlenim u Centrali Bosanskohercegovačke patriotske stranke – Sefer Halilović na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, šef Službe

Sanja Čabrilo, revizor

Željko Bakalar, pomoćnik revizora

⁴ Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

⁵ Uvidom u dokumentaciju odbora čiji su izvještaji bili predmet revizije utvrđeno je da računi prije evidentiranja u poslovne knjige nisu ovjereni od ovlaštene osobe.

⁶ Uvidom u dokumentaciju odbora čiji su izvještaji bili predmet revizije utvrđeno je da nisu vođeni blagajnički izvještaji. Nalozi isplate nisu potpisani od strane lica koja su primila sredstva.